

唐圭璋編

全宋

詞

第二十冊

國立編譯館

全宋詞附錄一

杜衍 一首

晁說之 二首

李公麟 四首

孔武仲 一首

任昉 一首

沈文述 一首

郭生 一首

廖正一 一首

蘇過 一首

司馬樞 一首

楊景 一首

蔣璨 一首

孫尙之 一首

李龔 一首

薛幾聖 一首

宋豐之 一首

王充 一首

李山民 一首

趙德仁 一首

張魁 一首

陳詵 一首

陳達叟 一首

吳仲方 七首

薛嵎 七首

洪遵 一首

王廣文 一首

戴栩 一首

江衍 一首

王玉貞 一首

張瓊瑛 一首

張風子 一首

于真人 二首

穎上陶生 二首

錢易 一首

姚卞 一首

宋江 二首

俞良 三首

潘必正 四首

陳妙常 五首

張幼謙 三首

羅惜惜 一首

阮華 一首

申純 二十一首

王嬌娘 七首

飛紅 一首

張老 一首

璠臺寺僧 一首

黃妙修 一首

宇文綬 一首

王氏 二首

陶上舍 一首

陳師師 一首

蕭淑蘭 三首

韓師厚 一首

鄭意娘 三首

朱希真 四首

劉元英 一首

李秀蘭 一首

衛芳華 一首

曹希蘊 二首

楊妹子 一首

趙秋官妻 一首

范仲胤 一首

范仲胤妻 一首

易少夫人 二首

方喬 二首

紫竹 六首

張生 二首

陶氏 一首

鄭雲娘 一首

梅嬌 一首

杏倩 一首

朱端朝 一首

馬瓊瓊 一首

胡夫人 一首

洛陽女 一首

梁意娘 二首

蘇小娘 一首

春娘 一首

楚娘 一首

珍娘 一首

琴精 一首

杜衍

滿江紅

衍字世昌山陰人大中祥符初擢進士甲科仁宗時爲御史中丞拜樞密使以太子少師致仕封祁國公卒謚正獻

無名無利無榮無辱無煩無惱夜燈前獨歌獨酌獨吟獨笑又值羣山初雪滿又兼明月交光好便假饒百歲擬如何從他老知

富貴誰能保知功業何時了
筭簾飄金玉所爭多少一瞬光陰何
足道但思行樂常不早待春來攜酒帶東風眠芳草

花草粹編卷九引言行錄

案此首張昇詞見過庭錄今名臣言行錄並無此詞花草粹編蓋誤引也

晁說之

說之字以道號景迂元豐進士元祐中以黨籍放之後終徽猷閣待制

洞仙歌菊

今春閨好怪重陽菊早滿檻煌煌看霜曉喚金錢翠雨不稱標容

瀟洒意陶潛詩中能道不應誇絕豔曾妬春華因甚東遊意不到

又似鑠三千漢女偏教明妃怨西風邊草也何必牛山苦霑衣簪

只好龍山醉狂吹帽

全芳備祖前集卷十二菊門

案此首晁補之詞見琴趣外編全芳備祖誤引作晁說之詞

金盞倒垂蓮

休說將軍解彎弓掠地崑嶺河源綵筆題詩綠水映紅蓮筭總是
風流餘事會須行樂況有一部隨軒脆管繁弦多情舊游尙憶

寄秋風萬里鴻鴈天邊未學元龍豪氣笑求田也莫爲庭槐興歎
便傷搖落淒淒然後會一笑猶堪醉到花前

永樂大典卷一萬五千一百三十九帥字韻

案此首晁補之詞見琴趣外編大典誤引作晁說之詞

李公麟

公麟字伯時舒州人元祐進士爲後省刪定官元符末致仕善畫山水佛像號龍眠山人

四時樂

春

桃李花開春雨晴聲聲布穀迎村鳴家家場頭醉酒觥爲告莊主
東作興黃犢先破東南村

夏

火雲蔽日當空浮田頭耨草汗欲流綠竹人寂鳥聲休暫來歇午
乘清幽山妻送餉扇遮頭

秋

黃雲萬里秋有成村村酒熟家家迎封羊賽社人未醒醉後鼓腹

歌昇平欣然同樂倉滿盈

冬

寒風十月雪欲飛居人木榻添紙幃地爐活火酒頻煨瓦杯不設

羊羔肥醉來曲肱歌聲微

以上四首見花草粹編卷一

案此四首爲古詩體花草粹編采之非是

孔武仲

武仲字常父新喻人舉進士元祐間歷官國子司業累遷禮部侍郎坐元祐黨奪職

鼓笛慢

淡烟池館霜飈乍緊又是年華暮黃花老盡丹楓舞困江梅初吐
點綴南枝暗傳春信玉苞微露凭危闌空斷誰家素臉遙山遠空
凝竚昨夜一枝開處正前村雪深幽曙看來只恐瑤臺雲散玉
京人去庾嶺寒餘漢宮妝曉飛堆行雨仗誰人惜取孤芳雅致作
春光主

歷代詩餘卷七十四

案此首無名氏詞見梅苑卷一歷代詩餘誤作孔武仲詞

任昉

昉字少明太學生

雨中花慢

事往人離還似暮峽歸雲壠上流泉索向分圓鏡已斷么絃長記
酒闌歌罷難忘月夕花前相攜手處瓊樓珠戶觸目依然從來
慣共綉幃羅帳鎮效比翼文鴛誰念我而今清夜常是孤眠入戶
不如飛絮傍懷爭及爐烟這回休也一生心事爲你縈牽

綠窗新話下引古今

話詞

案此首玉照新志作張翥詞

沈文述

念奴嬌 西山一窟鬼

杏花過雨漸殘紅零落胭脂顏色流水飄香人漸遠難托春心脈

脈恨別王孫牆陰目斷誰把青梅摘金鞍何處綠楊依舊南陌
消散雲雨須臾多情因甚有輕離輕拆燕語千般爭解說些子伊
家消息厚約深盟除非重見見了方端的而今無奈寸腸千恨堆
積

案此首沈唐詞見全芳備祖前集卷十杏花門西山一窟鬼誤作沈文述詞唐字公述非字文述也

郭生

瑞鷓鴣

烏啼雀噪昏喬木清明寒食誰家哭風吹曠野紙錢飛古墓疊疊
春草綠棠梨花映白楊路盡是死生離別處冥漠重泉哭不聞
蕭蕭暮雨人歸去

花草粹編卷六

案志林記此詞本事云東坡與郭生遊於寒溪主簿吳亮置酒郭生善挽歌言恨無佳句因為略改樂天寒食歌歌之坐客有泣者據此東坡所作甚明乃花草粹編引作郭生詞亦誤解原文矣

廖正一

正一字明略將樂人元豐進士元祐中召試館職除正字後入元祐黨籍

瑤池燕

飛花成陣春心困寸寸別腸多少愁悶無人問偷啼自搵殘妝粉
抱瑤琴尋出新韻玉纖趁南風未解幽愠低雲鬢眉峯斂暈嬌
和恨

樂府雅詞拾遺上

案侯歸錄記此詞本事云琴曲有瑤池燕其詞不協而聲亦怨咽效其詞作閨怨寄陳季常云此曲奇妙勿妄與人據此為東坡調季常之詞甚明乃樂府雅詞以為廖明略之詞亦誤矣

蘇過

過字叔黨軾子善書畫時稱小坡自號斜川居士歷通判中山府卒

點絳脣

新月娟娟夜寒江靜山街斗起來搔首梅影橫窗瘦好箇霜天
閑却傳杯手君知否亂鴉啼後歸興濃如酒

唐宋諸賢絕妙詞選卷三

案此首汪藻詞知稼翁有和詞足證花庵誤作蘇過詞

司馬標

類字才仲溫公姪孫
元祐中舉實良科

蝶戀花

妾本錢塘江上住
落花生花開不管流年度
燕子却啣春色去
黃昏

幾度瀟瀟雨
蟬鬢犀梳雲欲吐
檀板新聲唱徹
黃金縷酒醒夢

回無覓處淒涼明月生秋浦
花草粹編卷七

案此首春渚紀聞卷七作秦觀
詞花草粹編誤作司馬標詞

楊景

景字如晦

婆羅門引

漲雲暮捲漏聲不到小簾櫳
銀河淡掃澄空皓月當軒高掛
秋入

廣寒宮正金波不動桂影朦朧
佳人未逢嘆此夕與誰同望遠

傷懷對景霜滿愁紅南樓何處想人在長笛一聲中
凝淚眼泣盡

西風樂府雅詞拾遺上

案漁隱叢話云曾端伯編雅詞乃以此詞爲楊如晦作非也叢話蓋以此詞爲曹組作也

蔣璨

璨字宣卿之奇從子崇寧中爲蘭溪主簿歷平江臨江二府累官數文閣待制

青玉案

三年枕上吳中路
遣黃耳隨君去欲過松江呼小渡
莫驚鷗鷺四

橋都是老子經行處
輞川圖上看春暮長憶高人右丞句作箇

歸期天未許春衫猶是小蠻針線曾濕西湖雨

案此首東坡詞

孫尙之

點絳脣

烟洗風梳司花先放江梅吐
竹村沙路脈脈搖寒雨
醉魄吟魂

無着清香處愁如縷繁春不注又折水枝去

花草粹編卷一

案此首孫肖之詞見樂府雅詞拾遺花草粹編誤引作孫肖之

李 龔

龔字和父荷澤人有藟藟集

望漢月

黃菊一叢臨砌顆顆露珠妝綴獨教冷落問秋天遇東君不曾留
意雕欄新雨霽綠鮮上亂鋪金蕊此花開後更無花願愛惜莫

同桃李

金本花草粹編卷五

案此首李遵勗詞見能改齋漫錄卷十七金本誤署李龔

薛幾聖

漁家傲

梅影

雪月照梅溪畔路幽姿背立無言語冷浸瘦枝清淺處香暗度妝
成處士橫斜句渾似玉人常淡佇菱花相對成清楚誰解小圖

先畫取天欲曙恐隨月色雲間去

梅苑卷九

案此首強至機聖詞見永樂大典二千八百十梅字韵引強詞部集梅苑誤作薛幾聖

宋豐之

小冲山

花樣妖嬈柳樣柔眼波流不斷滿眶秋窺人伴整玉搔頭嬌無力
舞罷却成羞無計與遲留滿懷禁不得許多愁一溪春水送行
舟無情月偏照水東樓

至正本羣賢箋註草堂詩餘後集下

案此首向滿詞見樂齋詞稿字豐之至正本遂誤作宋豐之

王 充

天香

霜瓦鴛鴦風簾翡翠翠今年早是寒少矮釘明窗側開朱戶斷莫亂
教人到重陰未解雲共雪商量不了青帳垂氈要密紅爐收圍宜
小呵梅弄妝試巧繡羅衣瑞雲芝草伴我語時同語笑時同笑

已被金尊勸倒又唱箇新詞故相惱盡道窮冬元來恁好類編本草堂詩餘卷三

案此首王觀詞見樂府雅詞拾遺下類編草堂詩餘誤作王充

李山民

山民若水之姪

洞仙歌

飛梁欹水虹影澄清曉橘里魚村半烟草嘆來今往物換人非天地裏唯有江山不老 雨中風扇四海誰知道一劍橫空幾番到按玉龍嘶未斷月冷波寒歸去也林屋洞門無鎖認雲屏烟障是吾廬任滿地蒼苔年年不掃錄餘

案此首林外詞見四朝聞見錄有本事可證錄餘誤作李山民

趙德仁

醉春風

陌上清明近行人難借問風流何處不歸來悶悶悶回鴈峯前戲魚波上試尋芳信 夜永蘭膏燼春睡何曾穩枕邊珠淚幾時乾恨恨恨惟有窗前過來明月照人方寸陳鍾秀本草堂詩餘

案此首至正本草堂詩餘不注撰人陳本誤作趙德仁詞

張魁

踏莎行

鳳髻堆雅香酥瑩膩雨中花占街前地弓鞋濕透立多時無人爲問深深意 眉上新愁手中文字如何不倩鱗鴻去想伊只訴薄情人官中不營閑公事事林廣記癸集卷三十三

案此首僧仲殊詞見中吳紀聞卷四事林廣記誤引

陳詵

眼兒嬌

鬢邊一點似飛鴉。休把翠鈿遮。二年三載，千擱百就，今日天涯。
楊花又逐東風去，隨分入人家。要不思量，除非酒醒，休照菱花房山

筆隨

案此首某教授詞見貴耳
錄隨筆作陳說詞恐誤

陳達叟

菩薩蠻
夕七

舉頭忽見衡陽鴈，千聲萬字情何限。耐耐薄情夫，一行書也無。
泣歸香閣恨，和淚掩紅粉。待鴈却回時，也無書寄伊。
花草粹編卷三

案此首尊前
集作李白詞

吳仲方

仲方字季仁，晉川人。
範七世孫仲孚之兄。

木蘭花慢

玉梅吹霽雪，覺和氣滿南州。更連夕晴光，一番小雨，朝靄全收。
人情不知底事，但黃童白叟，總追遊。駕海千尋綵岫，漲空萬點星毳。
風流秀色，明眸金蓮步，度輕柔。任往來燕席香風，引舞清管隨。
謳何曾見癡太守，已登車去也。又遲留。人似多情皓月，十分照我當樓。

永遇樂

雲雁將秋，露螢照夜，涼透窗戶。星網珠疏，月匳金小，清絕無點暑。
天孫河鼓，東西相望，隱隱流光流華渚。妝樓上，青瓜玉果，多少駭兒。
癡女金針暗度，珠絲密結，便有繫人心處。經歲離思，霎時歡愛，
愁緒空萬縷。人間天上一般情味，枉了錦牋囑付，又何似吹笙仙子，
跨黃鶴去。

鵲橋仙

翠綃心事，紅樓歡宴，深夜沈沈無暑。竹邊荷外再相逢，又還是浮
雲飛去。錦牋尙溼，珠香未歇，空惹閒愁千縷。尋思不似鵲橋人，
猶自得一年一度。

夜飛鵲

微雲拂斜日萬籟聲沉涼露暗墜桐陰蛾眉乞得天孫巧惜惜樓上穿針佳期鵲相誤到年時此夕歡淺愁深人間兒女說風流直到如今 河漢幾曾風浪因景物牽情自是人心長記秋庭往事細花翦翠斂股分金道人無著正蕭然竹枕練衾夢回時天淡星稀閒弄一曲瑤琴

沁園春

客問吾年吾將老矣今五十三似北海先生過之又過善財童才參到無參官路太行世情滄海何止嵇康七不堪歸來也是休官令尹有髮瞿曇 千巖透色如藍新著箇樓兒恰對南看浮雲自在百般態度長江無際一碧虛涵荔子江珧蓴羹鱸膾一曲春風酒半酣憑闌處正空流皓月光滿寒潭

又

載酒陽關去正西湖連天烟草滿隄晴絮采翠擷芳遊冶處應和嬌絃豔鼓看柳外畫船無數萬頃琉璃渾鏡淨陡風波洶洶魚龍

舞談笑裏遽如許 流觴滿引澆離緒便東西斜陽立馬綠波前浦自是蓴鱸高興動恰值春山杜宇漫回首軟紅香霧咫尺佳人千里隔望空江明月橫洲渚清夢斷恨如縷

漢宮春

投老歸來記踏青隄上三度逢君寒窗冷淡活計明月空尊紅紅白白又一番春色撩人誰信道閒中天地園林幾見成塵 今夕偶無風雨便滿城簫鼓來往紛紛鼇山寶燈照夜羅綺千門珠簾盡卷看娉婷水上行雲應自笑周郎少日風流羽扇綸巾

江湖後集

以上七首並見

薛 嶠

案此七首並見虛齋樂府江湖後集誤作吳仲方詞

嶠字仲止一字賓日永嘉人寶祐進士官長溪簿有雲泉集

漁父詞

蘭芷流來水亦香滿汀鷗鷺動斜陽聲欸乃間鳴榔儂家只合岸

西旁

其二

翁嫗齊眉婦亦賢小姑顏貌正笄年頭髮亂髻鬟偏愛把花枝立

施前

其三

湘妃淚染竹痕斑風雨連朝下鉤難春浪急石帆寒買得茅柴味

亦酸

其四

滿湖飛雪攪長空急起呼兒上短篷簑笠具畫圖同鐵篴聲長曲

未終

其五

離騷讀罷怨聲聲曾向江邊問屈平醉還醉醒還醒笑指滄浪可

濯纓

其六

白髮鬢鬆不記年扁舟泊者荻花邊天上月水中天夜夜烟波得

意眠

其七

只有青山可卜鄰妻兒笑語意全真休識字莫嫌貧方是安閑第

一人雲泉集

案以上七首王繼嗣見江湖後集原題云嘉熙戊戌季春一日畫溪吟王子信爲亞愚詩禪上人作漁父詞七首是可信爲王作而雲泉集誤也

洪遵

遵字景嚴适弟中詞科授正字累進資政殿學士卒諡文安

沁園春

飲馬咸池摠轡崑崙橫驚九州慶中興機會天生山甫非常事業

天授留侯左搏龍蛇右馴虎兕萬里中原談笑收功名早便貂蟬

獵獵飛去兜牟新忙無限歡謳盡賣劍賣刀歸買牛正麥搖薰

吹黃迷斷壠秋極朝雨綠遍平疇眼底太平不圖再見羅拜焚香

青海頭從今去願君王萬歲元帥千秋花草粹編卷十二

案此首洪杏蓀詞見平齋詞花草粹編誤作洪適

王廣文

賀新郎

花

辜負東風約憶曾將淮南草木筆端籠絡后土祠中明月夜忽有
瑤姬跨鶴迥不比水仙底弱天上人間惟一本倒千鍾瓊露（瓊
露丹陽酒名）花前酌追往事怎忘却 移根應費仙家藥漫回
頭關山信斷堡城笳作問訊而今平安否莫遣玉簫驚落但畫卷
依稀描着（往年崔師畫軸見賜）白髮愧無渡江曲與君家子
敬相酬酢新舊恨兩交錯

曹增瓊花集四

案此首劉克莊詞見全芳備祖前集五瓊花門瓊花集引作王廣文詞恐誤

戴栩

栩字文子永嘉人嘉定進士爲太學博士學於葉適有浣川集

柳梢青

岳陽樓

袖劍飛吟洞庭青草秋水深深萬頃波光岳陽樓上一快披襟
不須攜酒登臨問有酒何人共斟變盡人間君山一點自古如今

浣川集

案此首戴復古詞見石屏詞大典本浣川集誤作戴栩

江衍

錦纏絆

屈曲新堤占斷滿林佳氣畫簷兩行連雲際亂山疊翠水廻環岸
邊樓閣金碧遙相倚 柳陰低映穠豔花光洵美好昇平爲誰初
起大都風物不由人舊時荒壘今日香烟地

欽定詞譜卷十四

案此首爲江衍傳惠應廟神之作見吳聞總錄卷二詞譜卽以爲衍作誤矣

王玉貞

武林名妓時陸仲舉驅泊江湖過武林邂逅玉貞一見投契貞日挽臂耳
買歡湖上後貞囊篋空乏仲舉絜然他適貞留之不得作詞贈別仲既去
貞遂赴湖死

玉樓春

來時吳會猶殘暑去日武林春已莫欲知恩惡感人深灑泪多於江上雨
歡情未舉眉先聚別酒頻斟君莫訴從今遮莫問西湖
擡眼盡成腸斷處

林下詞選卷四

案此首馬城詞見玉照新志

張瓊瑛

滿江紅

太液芙蓉渾不是舊時顏色曾記得春風雨露玉樓金闕名播蘭
簪后妃裏暈生蓮臉君王側忽一聲鼙鼓揭天來繁華歇
龍虎散風雲絕無限事憑誰說對山河百二淚沾襟血驛館夜驚鄉國
夢宮車曉碾關山月願嫦娥相顧肯從容隨圓缺

清山堂詞話

案此首王清惠昭儀詞見輟耕錄卷三有文山和詞清山堂詞話謂係張瓊瑛恐係誤傳

張風子

滿庭芳

咄哉牛兒心壯力壯幾人能可牽繫爲愛原上嬌嫩草萋萋只管
侵青逐翠奔走後豈顧羣迷爭知道山遙水遠回首到家遲
牧童能有智長繩牢把短梢高攜任從它入泥入水無謂我自心調
步穩青松下橫笛長吹當歸處人牛不見正是月明時

夷堅丙志卷十八

案此首羅湖野錄卷二作則禪師詞語似近禪夷堅志恐誤

于真人

行香子

閨苑瀛洲金谷重樓總不如茅舍清幽野花鋪地算也風流却也
宜春也宜夏也宜秋酒熟堪窺客至須留更無榮無辱無憂退
閒一步著甚來由但倦時眠渴時飲醉時謳

鳳棲梧

綠暗紅稀春已暮燕子銜泥飛入垂楊處柳絮欲停風不住杜鵑
聲裏山無數竹杖芒鞋無定據穿過溪南獨木橫橋路樵子漁

師來又去一川風月誰爲主

案以上二首詞綜卷二十四並作于眞人詞但鳴鶴餘音俱不注撰人則非于眞人之作也

穎上陶生

漁家傲

近日門前溪水漲郎船幾度偷相訪船小難開紅斗帳無計向合歡影裏空惆悵願妾身爲紅菡萏年年生在秋江上更願郎爲花底浪無隔障隨風逐雨長來往

又

爲愛蓮房都一柄雙苞雙蕊雙紅影雨勢斷來風色定水淨仙郎彩女臨鸞鏡妾有容華君不省花無恩愛猶相并花却有情人薄行心耿耿因花又染相思病以上二首見花草粹編卷七

案此二首歐陽修詞見近體樂府花草粹編誤引

錢易

易字希白吳越餘子眞宗朝進士累遷至翰林學士卒

蝶戀花

一枕閒欹春晝午夢入華胥邂逅飛瓊作嬌態翠顰愁不語彩鸞遣我新奇句幾許芳心猶未訴風竹敲窗驚散無尋處惆悵楚雲留不住斷腸凝望高唐路警世通言錢舍人題詩燕子樓

姚卞

字伯善嘉禾人仁宗秀才

念奴嬌諸葛廟

小舟橫櫂看雲峯高擁千里蒼碧白帝城中冠蓋換田野猶談玄德三顧頻煩兩朝開濟何處尋遺跡江堆石陣至今神擁沙磧追憶當年諸葛幅巾高臥抱圖王奇策見說廟堂今尙在中有參天松柏據蜀英豪吞吳遺恨俯仰成今昔空令豪俊浩歌揮涕橫臆花草粹編卷十

宋江

江鄆城人以三十六人橫行河朔轉掠十郡後爲張叔夜所降

念奴嬌

天南地北問乾坤何處可容狂客借得山東烟水寒來買鳳城春色翠袖園香蛟綃籠玉一笑千金值神仙體態薄倖如何銷得

回想蘆葉灘頭蓼花汀畔皓月空凝碧六六雁行連八九只待金雞消息義膽包天忠肝蓋地四海無人識閒愁萬種醉鄉一夜頭

白龜天
陸語

西江月

自幼曾攻經史長成亦有權謀恰如猛虎臥荒邱潛伏爪牙忍受不幸刺文雙頰那堪配在江州他年若得報冤仇血染潯陽江

口水滸傳三
十九回

俞良

良字仲舉孝宗
時成都秀才

鵲橋仙

來時秋暮到時春暮歸去又還秋暮豐樂樓上望西川動不動八

千里路 青山無數白雲無數綠水又還無數人生七十古來稀
算恁地光陰來得幾度

又

杏花紅雨梨花白雪羞對短亭長路東君也解數歸程遍地落花
飛絮 胸中萬卷筆頭千古方信儒冠多誤青霄有路不須忙便
着輛草鞋歸去

龍門令

冒險過秦關跋涉長江崎嶇萬里到錢塘舉不成名歸計拙趁食
街坊 命蹇苦難當空有詞章片言爭敢動吾皇勅賜紫袍歸故
里衣錦還鄉以上三首見警世通言
俞仲舉題詩遇上皇

潘必正

楊柳枝

傍觀道官過茅屋警人目星冠珠履逍遙服能妝束 絕世儀容
瓊姬態傾城國淡妝全無半點俗荆山玉